



Concello de Viveiro

CONSULTA PÚBLICA

PARTICIPACIÓN CIDADÁ EN PROCEDEMENTOS DE ELABORACIÓN DE NORMAS: ARTIGO 133 LEI 39/2015, DE 1 DE OUTUBRO, DO PROCEDEMENTO ADMINISTRATIVO DAS ADMINISTRACIÓNS PÚBLICAS.

NORMA A ELABORAR: ORDENANZA MUNICIPAL REGULADORA DAS CONTÍAS E GRADUACIÓNS DAS SANCIÓNS POR INCUMPRIMENTO DO ESTABLECIDO NA LEI 9/2013, DE 19 DE DECEMBRO DO EMPRENDEMENTO DA COMPETITIVIDADE ECONÓMICA DE GALICIA.

1.- Antecedentes da norma:

Dende o Concello de Viveiro estase iniciando o procedemento de elaboración da ORDENANZA MUNICIPAL REGULADORA DAS CONTÍAS E GRADUACIÓNS DAS SANCIÓNS POR INCUMPRIMENTO DO ESTABLECIDO NA LEI 9/2013, DE 19 DE DECEMBRO DO EMPRENDEMENTO DA COMPETITIVIDADE ECONÓMICA DE GALICIA.

Determina o artigo 4.1a) da Lei 7/1985, de 2 de abril Reguladora das Bases do Réxime Local o que segue: “na súa calidade de Administracións públicas de carácter territorial, e dentro da esfera das súas competencias, corresponden en todo caso aos municipios, as provincias e islas: a) as potestades regulamentarias e de autoorganización.”, sendo a Ordenanza municipal o medio de regulación dos Municipios.

Establecen os artigos 52 a 54 as infraccións consecuencia do incumprimento da Lei 9/2013, de 19 de decembro, do emprendemento da competitividade económica de Galicia. Determina o artigo 57 da citada lei a competencia para sancionar, correspondendo aos Concellos a competencia para incoar, instruír e resolver os expedientes sancionadores pola comisión das infraccións previstas na citada lei, salvo en todo o relativo ás entidades de certificación de conformidade municipal e ás súas actuacións, que corresponderá á consellería competente en materia de seguridade industrial, sen prexuízo de que poida delegarse nos concellos algunha delas.

Coa aprobación da Lei 39/2015 de 1 de outubro, do procedemento administrativo común regúlase a participación dos cidadáns, organizacións e asociacións que o consideren oportuno no procedemento de elaboración das normas (artigo 133 da citada lei) a través dunha consulta que ten por obxecto recabar a opinión dos suxeitos e organizacións máis representativas potencialmente afectadas pola futura norma sobre os seguintes aspectos:

- a) Problemas que se pretendan solucionar coa iniciativa.
- b) Necesidade e oportunidade da súa aprobación.
- c) Obxectivos da norma.
- d) Posibles solucións alternativas regulatorias e non regulatorias.

2.- Problemas que se pretenden solucionar.

Coa aprobación da ordenanza asegúrase a aplicación e cumprimento da normativa desenvolvendo a mesma dentro do marco municipal e garantindo así a seguridade xurídica e o benestar da veciñanza.

A regulación das contías e graduacións das sancións por incumprimento da Lei 9/2013, de 19 de decembro do emprendemento da competitividade económica de Galicia, constitúe un elemento fundamental para lograr a tranquilidade e a convivencia entre a veciñanza e os visitantes do municipio.

Concello de Viveiro

Concello de Viveiro

3.- Necesidade e oportunidade da súa aprobación.

Correspondendo aos Concellos na súa calidade de Administracións públicas de carácter territorial, e dentro da esfera das súas competencias, as potestades regulamentarias e de autoorganización do Municipio e sendo a Ordenanza municipal o medio propio de regulación faise necesaria a elaboración dunha ordenanza que estableza o marco legal de actuación en materia de regulación das contías e graduacións das sancións por incumprimento da lei 9/2013, de 19 de decembro do emprendemento da competitividade económica de Galicia.

4.- Obxectivos da norma.

Fixar a normativa que estableza o marco legal de actuación en materia de regulación das contías e graduacións das sancións por incumprimento da lei 9/2013, de 19 de decembro do emprendemento da competitividade económica de Galicia.

5.- Posibles solucións alternativas regulatorias e non regulatorias.

- a) Desenvolver a normativa a través de ordenanza municipal

O feito de garantir a seguridade xurídica establecida na Constitución Española e cumprir co establecido nas leis en canto a marcar as competencias locais faise necesario a regulación e desenvolvemento das normas, sendo a ordenanza o medio propio dos Concellos para a regulación normativa.

- b) Non proceder ao desenvolvemento da normativa a través de ordenanza

Unha ordenanza é a norma xurídica propia de regulación normativa dos Concellos. Non proceder ao desenvolvemento xeraría inseguridade xurídica e non se cumpriría co mandato constitucional.

6.- CONSULTA PÚBLICA. Prazo da consulta.

Dende o momento da publicación da presente consulta no Portal web do Concello de Viveiro os suxeitos e organizacións máis representativas potencialmente afectadas pola futura norma gozarán dun prazo de 20 días hábiles para a presentación da opinión que consideren en relación á futura norma e que se remitirá a este Concello enviándoa ao mail rsf.secretaria@viveiro.es ou rexistrándoa de entrada a través do rexistro xeral do Concello de Viveiro.

En Viveiro, na data da sinatura dixital ao marxe

María Loureiro García

Alcaldesa de Viveiro